

ПОДУВ ВÖР

Помöсдін вожса
ТОМ ГИЖЫСЬЯСЛÖН
КЫВБУРЪЯС



Сыктывкар
2011 во

***Чукӧртисны да лӧсьӧдисны
В.Г.Лодыгин да А.В.Шебырев***

«Подув вӧр»: кывбуръяс.
Сыктывкар, Коми республикаса типография.
70 лист бок.

Тайӧ ичӧтик книгаас пыртӧма петасъяссӧ Помӧсдін вожса том гижысьяслысь. Тайӧ гажа муыс ӧтарӧ чужтӧ енбиа йӧзӧс, мый сетӧ лача: коми войтырлӧн олан руыс оз кус. Найӧ, татчӧс ыджыд гижысь В.Т.Чисталёв (Тима Вень) серти, подув вӧр, мыйысь быдмас мича пожӧма яг – миян коми литература – да кыпыд лолӧн век видзас лунӧ бана му вылын олысьясӧс.

Гижысьясӧс пуктӧма ӧта-мӧд бӧрсяыс алфавит серти.

Книгасӧ лэдзӧма «Парма гор» газет редакциялӧн водзмӧстчӧмӧн.

Отсаліс лэдзны унасикас войтырлӧн министерство.

В.Г.Лодыгин, Шебырев А.В., составление. 2011.
Коми республиканская типография. 2011.

ТИМА ВЕНЬЛӢН ПОДУЛӢН

Эжва йывса ыджыд коми гижысь Тима Веньлысь 2010 воын пасйисны чужан лунсянныс 120 во тырӧм. Тайӧ шань да ыджыд вежӧра мортыс ас бӧрсяыс колис уна бур казътылӧм. Сійӧ кужис вӧчны быдтор. Гижис кывбуръяс, висътъяс, пьесаяс, пуктис коми рытъяс, велӧдис школаын челядьӧс. Ӧти кывйӧн кӧ, нуӧдис йӧзӧс югыдлань. Сьӧлӧмсӧ йитис чужан мукӧд, аслас дона сикткӧд - Помӧсдінкӧд. Ёна и видзис-дӧзьӧритис сійӧс! Эз лӧдзлы пӧрӧдны сикт шӧрысь ни ӧти пу. Со и колисны ӧниӧдз синъяс гажӧдан пожӧма вӧр дӧяс, паркъяс. Помнитӧны пожӧмъяс Тима Веньлысь кияссӧ, казътылӧны. А му бердын, яла вылын, – подув вӧр. Томиник пуяс ичӧтикӧсь, нӧриникӧсь. Гырысьяс моз жӧ мӧвпалӧны кыпӧдчыны сынӧдлань.

Вуджӧдны кӧ йӧз вылӧ, талунъя «подув вӧр» – тайӧ Тима Веньлӧн туйӧд мунысьяс, том гижысьяс. Помӧсдін вожын кывбуръяс да висътъяс тӧчӧны унаӧн, эз на вунӧдны асьыныс сӧстӧм чужан кывнысӧ. Тайӧ ичӧтик книгаын буретш налӧн гижӧдъяс. Том авторъяс - Помӧсдінса школаын велӧдчысьяс либӧ сійӧс помалысьяс, кодъяс «бергалӧны либӧ бергалісны» челядьлӧн «Петас» литературной котырын, кодӧн ме веськӧдла. Мед тайӧ пелькиник книгаыс лоас и Помӧсдін школалы не-ыджыд козинторйӧн, ӧд буретш таво школа пасйӧ асьыс 150 вося юбилей.

Талун майшасьӧны, мый коми кыв вочасӧн бырӧ, сыыс кутісны ӧддортчыны кыдзи челядь, сідзи и бать-мам. Но тайӧс оз позь шуны Помӧсдін вож

йылысь. Тани пыр на муса ас чужан кыв, сійӧ
юргӧ гора, некодысь оз яндысь .

Подув вӧрысь бур вӧр быдмӧ дӧзьӧритӧмӧн. Тима
Вень ас кадӧ велӧдліс тэчны кывбуръяс да висътъяс
бӧрынджык нималысь сэтшӧм поэтъясӧс да
прозаикъясӧс, кызди Иван Вавилин да Иван
Изъяуров, кодъяс ас бӧрсяыс кописны та йылысь
казьтылӧмъяс. Школаын петіс весиг «Ытва»
литературной газет.

Вӧліны и менам велӧдысьяс, кодъяс суйисны
вежӧрӧ, мый поэзия - абу сӧмын рифмуйтӧм
строкаяс, а сӧлӧм вӧрзьӧдантор, кытчӧ, Тима Вень
ногӧн кӧ, «пуктӧма, мый меддонаыс».

Торйӧн нин мича Тима Веньлӧн сӧстӧм коми кыв.
И, челядьӧс велӧдігӧн, медводз та йылысь сӧрни.
Вужвийӧныс кыв тӧдтӧг поэзияыд абу.

Зэв бур, мый том гижысьясӧс быдтам ог сӧмын
местаяс вылын, но и та вӧсна тӧждысьӧ районса
«Парма гор» газетлӧн редакция, торйӧн кӧ, главной
редактор Василий Григорьевич Лодыгин, кодӧ отувтіс
районса став гижысьясӧс ӧти литературной котырӧ
да, семинаръяс нуӧдӧмӧн, ӧтырышъя Тима Вень
моз жӧ велӧдӧ гижны, медводз - мӧвпавны. Сідзкӧ,
Тима Веньлӧн зумыд подулыс кутчысьӧ, «керканым»
оз вежыньтчы.

Александр ШЕБЫРЕВ.

АНАСТАСИЯ АНУФРИЕВА



Велбдчö Помöсдинса шöр
школаын 11-öд классын.

ШОНДИ

Быд мортлөн аслас сьыланкыв,
И öтнас сийö дона.
А меным муса коми кыв,
И сийöс ошка ёна.

Мен сийö индö олан визь
И морöс кудйöс шонтö.
Бур йöзлы сийö - абу сись,
А енэжшöрса шонди.

Мед сылөн нэмыс лоö кузь,
Оз саяв кымöр улö.
Оз ло кö чужан кывным сюсь,
Став коми руыс кулö.



ЮЛИЯ БИЗИНА

**Велөдчө Помөсдинса шөр
школаын 9-өд классын.**

МИЧЛУН

Ылын тыдалө вөр.
Талань, матынджык, ыбъяс да муяс.
Ловзис вөр-ваыс бөр,
Бара вьльмисны дзоридзьяс, пуяс...

Ставыс син водзын пыр,
Ставыс гортын зэв муса да дона.
Олан регьд ли дыр,
Сөмын гортад и колө век лоны.

АЛЕКСЕЙ ДРОБОТУН



**Велөдчө Помөсдинса шөр
школаын 9-өд классын.**

АС ОРДЫМ

Эжва йылын, Помөс усянінын,
Зэв нин важөн овмөдчөма сикт.
И ми ставным чужим Помөсдинын,
И ми ставным помөсдинса дзик!

Мөд му вылө сійөс ми ог вежөй,
Төдтөм места миянлы оз ков.
Татчө воысь ордымысь ог кежөй,
Сөвмы, дона сиктөй, дыр на ов!

МЕДШӨР ЁРТ

Школа меным - медшөр ёрт,
Сійө дзик жө бытьё горт.
Юсь кодь еджыд миян школа,
Ставлы сійө ёна колө.
Тан ми төдөмлунгъяс босьтам,
Олөм вылө сингъяс восьтам.



АЛЕКСЕЙ ЕФРЕМОВ

**Велөдчө Помөсдинса шөр
школаын 8-өд классын.**

ПЕЛЫСЯ АР

Таво пелысь вывтї уна,
Лэбач чөсмасьö со пыр.
Сійöс вотны вөрö муна,
Медым төвнас тырмис дыр.

Ош нин пырö ыджыд гуас,
Певсö нёнялас вель дыр.
Мыйöн тулыс «Локті!» шуас,
Вөлисьт мыччас сійö ныр.

ВЕЛӨДӨМ

Коми кывйöй зэв озыр да бур.
Пөчö шульвліс бура нин важөн:
«Олан уджөн кө, он сөмын гажөн,
Вөлисьт вежөра лоас өд юр».

Коми кывйӧй кӧть дженъид, но стӧч.
Вӧлі дзоля на, шуліс мен бaтьӧй:
«Ов тэ сідзи, мед шуасны «аттьӧ»,
Мыйкӧ бурӧс век йӧзыслы вӧч».


Коми кывйӧй зэв мелі да шань.
Меным шульвліс унаысь мамӧ:
«Лыдды, эм нин мый вежӧрыд-сямыд,
Кор ас удж помысь ньӧбан тэ нянь».

Коми кыв – медся матысса кыв.
Сійӧ шонді моз югзьӧдӧ олӧм,
Мортлы сынӧд да ва моз жӧ колӧ,
Сытӧг, пӧт кӧть, он радлы да сыв.

МЕНАМ СИКТЫН

Менам сиктын уна пожӧм,
Позьӧ шуны, быдса сад.
Сійӧ мича тӧв и гожӧм,
Быдӧн сылы ёна рад.

Эжва кырйыс войсянь пыкӧ,
Лунладорсянь - Помӧс ю.
Тані ловнаным ог тшыкӧй,
Нэмсӧ видзам коми ру.



ДМИТРИЙ ЕФРЕМОВ

**Велөдчө Помөсдинса шөр
школаын 11-өд классын.**

ТУЙ ИНДЫСЬ

Чужан кывйöй меным вывті дона,
Сытöг менам кывбуръяс оз лоны.
Кöть и кужа сёрнитны ме рочöн,
Чужан кывйöй туйсö индö водзö.

Тайö кывйöн быдлаö ме воа,
Мукöд йöзлы коланаөн лоа.
Чужан кывйöс некөн ме ог янöд,
Доръя сійöс, сувтасны кө паныд.

Ог ме вунöд некор чужан кывйöс,
Сійö, кызди кага, шоныд сывйын.
Кытчöдз шондї улын ола-выла,
Чужан кывйöн чужан мулы сыыла.

АНАСТАСИЯ ЕФРЕМОВА

**Помаліс Помөсдінса шөр
школа 2007 воын. Йөзөдчө
«Парма гор» газетын. Кыв-
бурьяс петöны и республикаса
газет-журналъясын. Босьтчис
гижны «Петас» котырын.**



КОМИ ВОЙТЫР

Коми войтыр, кодъяс эськө найö?
Найö - войвыв мулön мича роз.
Кывсьылісны уна нэмъяс сайын,
Уджалöны нэмсö оштъяс моз.

Коми войтыр сьöкыдысь оз повны,
Ёна лоö зільны войвылад.
Копрасьöны сöмын няньлы-совлы,
Налön аслас гаж да олан лад.

Коми мортлön чужан муыс мича,
Тані зэв жö мичаöсь ныв-пи.
Вай жö, ёртъяс, ставсö татысь видзам,
Шоныд лолön водзö олам ми.

ЮСЬЯС

Вылыын лым еджыд юсьяс
Гижтöны енэжлысь бок -
Лэбöны лунвылö юсьяс,
Горзöмныс нориник, шог.

Кевмыся йöзлы: эн лыйöй!
Юсьыд öд - Ен сетöм лов.
Шуднытö ассьыд эн кыйöй,
Мичлунтö вины оз ков.

Жалита тiянöс, юсьяс,
Ачым көть орчöн ог уй.
Лэбöй вай, лымтөеджыд тусьяс,
Воодчöй! Сиа бур туй!

АР

Со и ар нин. Бара ар нин -
Сьölöм вөрзьöдана кад.
Вöрыс-ваыс ставнас зарни,
Бытьö мича мойдын сад.

Регыд ырыштчас нин тöлыс,
Кутас дженьдаммыны лун.
Тэнсьыд сьölöм шонтысь вöли,
Мед и төвнас ме ог вун.

МЕНАМ СИКТ

Быд асыв парма Эжва йӧлӧн мыссьӧ,
Сӧдз асья кыа быттӧ рӧмпӧштан.
Зэв ньӧжйӧ унзиль еджыд руыс кыссьӧ,
И сйӧн чышкӧ сиктӧй чужӧмбан.

Бур вӧчны сылы ог на эшты ёна,
Но воысь воӧ сьӧлӧм бердын дзик
Да гырысь, гажа карьясысь на дона
Веж пожӧмъяса, коми кывъя сикт.

ЧУЖАН КЫВ

Чужан кывйӧй меным ичӧтдырсянь муса,
Чужан кывйӧй чӧскыд, кызди мича вӧт.
Кызди дзоля кага муса мамтӧг кусӧ,
Сидз жӧ олӧм кусӧ, кыв кӧ лоӧ мӧд.

Чужан кывйӧс пыкны олӧм чӧжым мӧда,
Кытчӧ кӧть ог ветлы, кӧнӧ кӧть ог ов.
Олӧм кудйӧ вежӧр чужан кывйӧн лӧда,
Сйӧс ме ог вунӧд, таысь мед оз пов.

ОЛӦМ

Олӧм - мыйыськӧ да полӧм,
Олӧм - муса мортлӧн колӧм.
Эг на аддзы сйӧс, корся,
Бӧрйыся, мед эг жӧ сорсы.

Гашкө, аски аддза вöрысь
Лиbö сёрджык аслам йöрысь.
Öти эськө быттьö муса,
Да öд төдмавтöм на русö.
Но бур пöлöй коркö лоас,
Аслас кокöн на и воас.

ЛОНЫ МОРТÖН

Олам öтчыд. Сöмын öтчыд.
Олöм донсö ог на төд.
Сідзсö бур на сöмын вöчи,
Мöвпöй эз на вöвлы сьöд.

Ола, кыдзи шонтысь бипур,
Кыдзи водзö лэбысь ю.
Сьöлöмын век öзйö битор,
Вежöрын век чужан му.

Медся лöсьыд овны гортын,
Сыысь бурджыкыс оз сюр.
Колö лоны сöмын мортöн,
Ставыс сэки лоö бур.

МЕНАМ ЛЭБАЧ

Тэ он и төд, мый меным муса,
Мый сьöлöм видзö тайö русö.
Тэ - менам оз тусь лымъяс шöрын,
Тэ - менам шондi пемыд вöрын.
Тэ - менам дзоридз нöрыс йылын,
Тэ - менам лэбач вылын-вылын.
Тэ меным ваян югыд, шоныд,
И абу шондiлы моз доныд!

КОМИ МОРТ

Коми мортыд мича ловнас вына,
Сійӧ лэптӧ ыджыд шог и дой.
Колӧ кӧ, то вермӧ кӧть оз, сынӧ,
Колӧ кӧ, то мырсӧ лун и вой.

Колӧ кӧ, то биӧ-ваӧ пырӧ,
Колӧ кӧ, то панӧ сыланкыв.
Чужан муысь нэмсӧ гажыс бырӧ,
Сылӧн аслас быдмӧ пи да ныв.

Коми мортыд нэмсӧ вылын юра,
Сійӧ некор копырӧн оз ов.
Коми мортыд нэмсӧ олӧ бурӧн,
Сылӧн нэмсӧ аслас нянь да сов.

МАМЛЫ

Ме мамлы сыланкывсӧ съыла,
Ме сійӧс сӧлӧм тырӧн кыла.
Ме сылы медся ёна кола,
Да та вӧсна и ыджыд лола.
Ме тӧда: сылы сӧккыд ӧні,
Да бурсӧ корся, сійӧ кӧні.
Ме кӧсья, медым шуда вӧлі,
Мед ордйис сійӧс йиа тӧлыс.
Шань мамӧй, тэ и медся муса,
Ме тэтӧг, кӧнкӧ, пыр и куса.

ВОЙ

Төвсә войыс ньылыштис нин лунсө.
Чутъя енәж вылын кодзув лөст.
Пальодис став йөзлысь войыс унсө,
Ог жө узь, и мөвпөй менам прөст.

Тшөкыдакодъ юрө меным волө:
Гашкө, важөн некодлы ог ков?
Мыйла сідзи сьөлөм тіпкө-полө,
Майшасьө, кызд инасьлытөм лов?

Төвсә войыс ньылыштөма лунсө.
Восьса синма. Унмөй дзик оз лок.
Дзёбөма тай пемыдыс став бурсө,
Сійөн на и сьөлөм вылын лөк.

ВЕЛӨДЫСЬЛЫ

Велөдысьлы – ыджыд чолөм!
Сійө шаньөн вөлі век.
Велөдчан кад – морт джын олөм,
Ёна вежөрсялан сэк.

Воас кад, и муна гортысь,
Коркө ылын лоа тась.
Кыла: бурыс петө мортысь,
Коді сьөлөм сетны дась.

Төдөй, дона челядь, төдөй :
Велөдысьыд – мөд тай мам!
Сійөс дзерөдны эн мөдөй -
Сөмын сэки содас сям.

ЛЬӨМ

Сулалё раминик льөм
Лымгъяс да кӧдзыдгъяс улын.
Сьӧлӧмӧдз йиджтысяс рӧм,
Воас кор миянӧ тулыс.

Арланыс сьӧдоват тусь
Юммӧдны вом дорӧс сетас,
Медым ме пӧттӧдз эг узь,
Рыгъяссӧ кывзыны петӧ.

ТЭ Нӧ КӧНИ?

Олӧм - аскиаысь полӧм,
Олӧм - кытчӧкӧ да волӧм.
Олӧм - кодӧскӧ да корсьӧм,
Олӧм - кодӧнкӧ да сорсьӧм.

Тэ нӧ кӧни? Йӧрын, вӧрын?
Талун аддза али бӧрын?
Ог на тӧд, а водзвыв муса,
Тэтӧг сись моз сыла, куса.

Гашкӧ, ветлӧдлан тэ орчӧн,
Мелӧн моз жӧ сьӧлӧм сотчӧ?
Кор нӧ эськӧ меным сюран?
Збыльысь муса, али дура?



АНДРЕЙ ИГНАТОВ

Велӧдчӧ Помӧсдинса
школаын 9-ӧд классын.

ПОМӦСДИНЫН

Помӧсдинын чужи,
Помӧсдинын ола.
Сӧвми, кыдзи кужи,
Тані йӧзлы кола.

Тані менам гортӧй,
Сьӧкыдсӧ тан вена.
Медся матыс ёртӧй –
Помӧсдинӧй менам.

НИКИТА ИГНАТОВ



**Велөдчө Помөсдинса
школаын 9-өд классын.**

КОМИ РУ

Коми руа-лола
Дона Эжва йыв.
Коми кывйөн ола,
Восьса сылы сыв.

Коми кывйөн сыла,
Кыдзи став бур йөз.
Кыпөдчи ме вылө,
Көни енэж лөз.

ЛОАН БЫДСА

Велөдчөмыд мортлы колө,
Велөдчөмнад кыпыд лолыд.
Пуктан сямтө, пуктан вын -
Лоан быдса, он ло джын.

Кутан унатор тэ төдны:
Мыйыс - бур, а мыйыс - лёк.
Верман уна буртор вөчны,
Сувтөдан кө аслыд мог.



НИКОЛАЙ ИГНАТОВ

**Велөдчө Помөсдинса
школаын 9-өд классын.**

ЕДЖЫД КЕРКА

Миян сиктын, Помөсдинын,
Еджыд керка эм.
Сәни велөдчөны челядь,
Гашкө, матө нәм.

Восьса сән музейлөн өдзөс,
Челядьыс век тыр.
Гажа велөдчыны сәни,
Мед кө кузьлунтыр.

МЕНАМ Ю

Помөс юным ставлы колө,
Тані гажа овлө пыр.
Визув бокрын кыпыд лолөн
Кольө миян челядьдыр.

Тöлын эшкын улын узьö,
Гожөмъясын йөзөн тыр.
Помлісны да, сійөн шусьö
Помөс юөн зэв нин дыр.

АННА ИГНАТОВА

**Велөдчө Помөсдинса шко-
лаын 6-өд классын. Олө Вөл-
динын.**



ПАРМА-ВӨР

Парма-вөрным пыр на озыр,
Сәні быдторйыс на эм.
Звер да пөтка шоныд позйын
Водзө быдтысясны нәм.

Парма мортлы воча мунө,
Сылы отсалө быд лун.
Сійөс некор ме ог вунөд,
Гортысь кытчө көть ог мун.

ТӨВ

Со и воис көдзыд төв.
Ланьтис вөрыс.
Вөляникысь бырис тай
Арлөн көрыс.

Сөмын посни войтыр рад!
Чужис бордыс!
Исласьöны сән и тан,
Вуні гортыс.

ТУЛЫС

Бара локтіс мелі тулыс,
Мунас кӧдзыд, гажтӧм тӧв.
Кӧдзыд пӧльыс коз пу улын
Важӧн ланьтіс, узьӧ чӧв.

Ёна нюжаліс нин луныс,
Сылӧн важӧн вошліс ун.
Ёна гажа шонді улын,
Чужанінысь кӧ он мун.

ТУВСОВ ВӦРЫН

Тувсовъя, шондіа асылӧ ме петі ывлаӧ. Дзоль-зисны-сьылісны лӧбачьяс. Кӧнкӧ неылын кыліс тӧрыб шорлӧн чольган шыыс. И мыйлакӧ менӧ тайӧ асылыс кыскис вӧрӧ! Окота лоис видзӧдлыны тувсовъя пуяс вылӧ. Вуджи паськыд ыб. Сійӧ шыбитӧма нин тӧвся пасьсӧ, мынтӧдчӧма лымйысь. Быттьӧ кыліс нин дзоридзъяслӧн кӧрыс. Апалі сынӧдсӧ, шензи, радлі.

И со ме вӧрын. Кылі вильыш лӧбачьяслысь сёрнитӧм-сьылӧм. Пыри пыдӧджык. Казялі, кыззи зьвиркнитіс тӧрыб ур. Сылы тулыснад гажа жӧ! А кызд мӧд ногыс? Став вӧр-ваыс тай ловзьӧ. Ме чолӧмаси урыскӧд. Висьталі нимӧс. А сійӧ чуймӧмӧн видзӧдіс ме вылӧ. Жаль, мый сёрнитны оз куж, эськӧ варовитыштім.

Ветлӧдлыштӧм бӧрын бӧр петі вӧрсьыс. Бара апалі ыбывса чӧскыд сынӧдсӧ. Сьӧлӧмӧй радліс. Мича жӧ нин тулысыд! Дыр кежлӧ сетӧ кыпыд лов да паськыд борд. Эськӧ мортыд татӧг ӧдвакӧ оліс.

ДАРИЯ ИГНАТОВА

Велөдчө Помөсдинса шөр
школаын 7-өд классын.



КОМИ ШЫ

Ылөдз паськөдөма сыв
Озыр, сөстөм коми кыв!
Ме тан чужи, коми ныв,
Сыла асьым сыланкыв.

Коми кывйөн чипсө кай,
Шуö: миян муным – рай.
Вöрын-ваын коми шы
Разалöма, бытьö гы.

МЕ ОЛА ТАН...

Ме ола тан, көн ставыс шонтö лолös,
Көн кыла чеччан здуксянь лëбач сьылöм.
Ме чужан мулы медся ёна кола,
И сийös некор некыдзи ог ылөд.

Ме кола тани батылы, муса мамлы,
Ме кола воклы, весиг понлы-канылы.
Ме тани олысь йозлысь босьта сямлун,
Тан копыртчыла аслам чөскыд няньлы.

ЛЫМ

Усьё мича, еджыд лым,
Сэтшөм уна, быттьö тшын.
Киö веськалö да сылö,
Да оз элясь олөм вылö.
Воас тулыс, да оз ло,
Дзольгас шорыс уна сё.
Лым кодь еджыд лоö садным,
Тулыс – ставлөн ловзян кадныс.

ВÖРЫН

Мича жö нин парма-вөр!
Пыран кө тэ сэтчö,
Он и көсйы петны бөр,
Сьөлөм радлö-чеччö!

Кодзувкотыс сәни тыр,
Гöгрöс керка вöчö,
Мырьсö -котралö лунтыр,
Абу мудзöм пöчö.

Сьылö лэбач аслысног,
Абу сылөн полөм.
Вöрын ставлөн аслас нок,
Ставлөн аслас олөм.

ЛЭБАЧ

Өтчүд мунім воккөд вөрө,
Чужан сиктным колис бөрө.
Турун пиө мыйкө усис.
«Мый нө тайö?» – миян шусис.
Видзөдам да: лэбач пи.
Бура ёна чуймим ми!
Юрьяс лэптім, аддзим коз.
Вылын тыдалыштис поз.
Сэтчө кавшасьны эг вермөй,
Сэтчө жө и көсйис зэрны...
Котөртим ми гортлань бөр,
Ылын колис шуштөм вөр.
Төвныр моз ми гортлань лэбим,
Лэбачписө пыр и дзебим.
Коркө сійөс аддзис мам,
Чардаліс тай, көть и рам:
- Вөрса ловсө ті эн дзебөй!
Лэдзөй! Медым гортас лэбө!
Медым чужанінсө корсяс,
Гортас бурджыка өд овсяс!
Лэдзим ловсө. Медым олө.
Сійө сиктө быд лун волө.



МАРИАННА ИГНАТОВА

**Велөдчө Помөсдинса
школаын 6-өд классын.**

ТУРИЯС

Лэбөны, лэбөны турияс,
Лунвылө, кытчөкө ылө.
Нора тай ас костас сьылөны,-
Норлуныс сьөлөмөдз кылө.

Сөмын оз вунөдны турияс
Ассыныс войладор мусө.
Тулысын локтасны бара на:
Олөмлысь бисө он кусөд.

КОМИ МУ

Коми муыд - ыджыд.
Помтөм вөра-луда.
Тані коркө чужи,
Тані лои шуда.

Тані төжда-уджа,
Тані бордъя лола,
Тані нәмөс вуджа,
Бур йөзыслы кола.

НЕЛИ ИГНАТОВА

Велөдчө Помөсдинса
школаын 11-бд классын.
Олө Сордыйв грездын.



МЕДБУР ЁРТ

Медся дона, медся муса
Парма көра коми кывйöй.
Сылысь видза олан русö,
Сийöс кута аслам сывйын.

Медбур ёртöй сийö менам,
Быттьö вокöй мыччö кисö.
Медся джуджыд кырсö венам,
Мунам йисö, васö, бисö.

А мөд муö кө ме муна,
Сийö сьөлөм пытшкын лоас,
Кутшөмкө да öти лунö
Мекод бөр жö гортö воас.

Пуös моз ог сийös пöрöд,
Ог коль вöрö сисьмөм вылö.
Ог и йöрт ме сийös йöрö -
Медым мир пасьтала кылö!



ОЛИМПИАДА ИГНАТОВА

**Велөдчө Помөсдинса шөр
школаын 7-өд классын.**

КЫЛА И СЫЛА

Коми кыв мен дона,
Пыдди пукта ёна.
Коми шысö кыла,
Комиён и сыла!

Комиын ме чужи,
Олі, кызди кужи.
Сэтчөдз тані ола,
Кытчөдз тырмас лолй.

ЮСЬЯС

Юсьяс, еджыд юсьяс,
Енэж шöрын тусьяс.
Мыйён воö арыс,
Бордныд быттьö парус.

Юсьяс, еджыд юсьяс,
Вежöраяс, сюсьяс.
Тулыснас зіль бордөн
Локтанныд бөр гортö.

АР

Воис пемыд ар,
Вижөдісны пуяс.
Кымөр весиг няр,
Надзөникөн уйө.

Өтнас збодер тар
Паніс гажа сьылан.
Сылы веськодъ ар,
Вильшасьö кьдз, кылан?

Лэбачыслысь рай
Кывзöны став пуяс.
Абу колипкай,
Но и сійö туяс.



АЛЁНА КАРМАНОВА

**Велөдчө Помөсдинса шөр
школаын 11-өд классын.**

КОМИ КЫВ

Коми кыв, тэысь, мусаысь, бырö тай гажöй.
Коми кыв, тэтöг овны зэв сьöкыд тай мен.
Коми кыв, тэ öд чужлöмыд вывті нин важöн.
Коми кыв, олöм сьöкыдсö мекöд тшötш вен.

Коми кыв, уна во нин ми öтлаын олам.
Коми кыв, некор янсöдчöм тэкöд оз ло.
Коми кыв, öтув быдлаö олöмас волам.
Коми кыв, эн на кус, эн на ваймы сюрс во!

ЕЛИЗАВЕТА КАРМАНОВА



**Велөдчө Помөсдинса
школаын 9-өд классын.**

СЕРПАС

Менам син водзын серпас -
Сэни видзьяс да эрдьяс.
Сэни ковтысъяс, мылькъяс,
Визув ёльяс, вөр бердьяс.

Тайө - ас чужан муёй,
Помөс ю бокса места.
Тані олөмыс пуё,
Ачыс бипурсө пестө.



ДАРИНА КОЛЕГОВА

**Велөдчө Помөсдинса шөр
школаын 11-өд классын.**

КОМИ ГОР

Коми кыв – зэв муса кыв,
Чужөмсянь ми кылам.
Сыысь тэчам сыланкыв,
Гажөн олам-вылам.

Ылөдз юргө коми гор,
Лэбö бордъяс вылын.
Кылö йöзыслы көть кор,
Мудзыс абу сылөн.

Эжва йылын коми кыв
Ставыслы на муса.
«Василейлөн» сыланкыв
Нимөдö став мусö.

АННА КОЧАНОВА



**Велөдчө Помөсдинса шөр
школаын 11-өд классын.**

СЬӨЛӨМ ШОНТАН БИ

Чужан кывйос радейта зэв ёна,
Варовитө сійөн Эжва йыв.
Рочыс эськө меным сідз жө дона,
Но өд коми – менам чужан кыв!

Сёрнитлісны сійөн менам пöльяс,
Сыөн өнөдз сёрнитам и ми.
Сёрнитöны озыръяс көть гöльяс,
Ставлы колö сьөлөм шонтан би.

Сиа чужан кывлы помтөм олөм,
Медым водзö гажөдас быд лов.
Чужан кывйөн мортлөн кыпыд лолыс,
Чужан кывйөн нинöмысь оз пов.



ЮЛИЯ КУРОЧКИНА

**Велөдчө Помөсдинса
школаын 7-өд классын.**

МИЯН МА

Миян сиктын чужан кыв
Зэв на шань да сөстөм.
Сійө ләптө сыланкыв,
Сійө сьөлөм өзтө.

Сійө быттьө чөскыд ма,
Панялан - он пөтлы.
Сійө - тувсов зарава,
Юан - да он пөтлы.

Сійө - быттьө муса мам,
Коді ставлы колө.
Сійө сөмын сетө сям,
Морт ногөн мед олін.

ВОИС ТӨВ

Ывла вылө воис төв.
Водза серти куим пөв
Содіс көдзыдыслөн выныс.
Шоньд лунвывланьö сыніс.
Енэж йирысь лым век усьö,
Эшкын улын муыс узьö.
Луныс чиніс куим пөв.
Ставсö веніс еджыд төв.



ИГОРЬ ЛИПИН

**Велөдчө Помөсдинса
школаын 9-өд классын.**

ТАЙӨ - ЧУЖАН МУ

Майбыр овны Помөсдинын,
Ас керкаын, рөдвуж дінын!
Гулыд ягыс йөзөс корө
Аслас пашкыр пожөм дорө.
Помтөм–дортөмөсь тан эрдъяс,
Тыяс, ёльяс, ва дор бердъяс...
Чужан муным ставыс тайө,
Коді радлун сөмын вайө.

АНАСТАСИЯ НАПАЛКОВА

**Велӧдчӧ Помӧсдинса школаын
11-ӧд классын. Помавліс том
гижысьясельсь гожся универ-
ситет.**



ТУЛЫС

Муса сиктӧй, Помӧсдинӧй,
Тэнад йӧрӧ тулыс воис,
Томуловӧс корис дінас,
Гажа олӧм налӧн лоис.

Саридз кодӧн лоис Помӧс,
Кильчӧ дорӧдз воис йиыс.
Радӧсь пӧрысьыс и томыс,
Ӧзйӧ сӧлӧм пытшкын биыс.

СӖӦЛӖМӖН КЫЛА

Кӧсья, медым чужан кывйӧй
Олас водзӧ паськыд сывйӧн,
Медым сійӧ, кызди тулыс,
Дзоридзалас шонді улын.

Сійö миянлы век колö,
Весиг сэк, кор бöрдö лолыд.
Сійö сьöлöм овны сетö,
Туй индысьöн мортлы петö.

Коми кывйöй небыд, мыла,
Сьöлöм тырöн сійöс кыла.
Сійöн нэмсö помöдз ола,
Сійö нэмсö меным колас.

КЫДЗ ПУ

Вичко бокын сулалö кыз пу,
Сылöн йылыс косьмыліс нин важöн.
Сійöс öнi мичаöн он шу,
Сійö öнi некодöс оз гажöд.

Кызлöн петö курыд синва войт,
Кызди-й мортлöн, öдвa сылöн лолыс.
Кöдзыд тöлöй, пусö тэ эн дойд,
Мыйта олö, медем сійö олö.

ТОРЙÖН

Менсьым олöмöс тэ он тöд,
Менсьым нюмъялöм тэ он аддзыв.
Гашкö, ме пыдди сюрис мöд?
Менам вомдорöй нем оз казьтыв?

Пемыд шкап улö суюин мöй
Менсьым муслунöс? Эг и тöдлы.
Век на видзис öд сьöлөмöй,
А тэ ордымтö сетін мöдлы.

Кадыс кольöма. Лун да вой.
Ыджыд вöлök нин вуджим торйөн.
Нэмсö кылас мöй сьöлөм дой?
Гашкö, локтан на, менö доръян?

ВИЧЧЫСЬÖМ

Сьöлөм воштылö майшасян русö,
Кор тэ кияснад малыштлан юр.
Тэ öд тöдан, мый важөн нин муса,
Кöть и овлан он сэтшöм и бур.

Дона мортöй, тэ, верман кö, волы,
Сьöлөм кудйыд мöй дзыкöдз нин кын?
Тэ мен воддза моз муса да колан,
Тэтöг олөмöй менам öд джын.

Топыд сывъясөн кутыштлы менö,
Медым сьöлөмын ыпнитас би!
Сöмын öтув ми паныдсö венам,
Туйö пет, гортö лок, сет мен ки.



ТИМОФЕЙ ОПАРИН

**Велөдчө Помөсдинса
школаын 9-өд классын.**

СЫЛАНКЫВ

Ичөтсьянь мамуклысь кыла
Комион сыланкыв сылөм.
Муна көть ылөсьыс –ылө,
Сылөмыс вөтчас жө сылөн.

Веськыда көсья ме шуны:
Коми кыв медся өд мича.
Сійөс ме некор ог вунөд,
Сьөлөмын нэм чөжым видза.

ТУЛЫСЫН

Помөс поскын тувсов лун
Бара меным воча лоис.
Гортө, көнкө, дыр ог мун,
Мыйкө мекөд, ёртъяс, лоис.

Тувсов серпас. Ойдөм ю.
Ставыс сьолөмын да юрын.
Дзоридзалө чужан му,
Сійө на и медся бурыс.

АС КАРТА САЙ

Джуджыд гөраяс, паськыд саридзьяс
Абу танось, а көнөськө найө.
Сөмын донаджык менам сьолөмлы
Аслам пармаой, ас карта сайой.

Шөвк кодъ видзьясыс менө кыскөны,
Пожөм ягьясыс содтөны вынөс.
Чужан муой век лоас ловьяөн,
А оз кусөмөн, гажтөмөн, кынөн.



ЮЛИЯ ПАШНИНА

**Велөдчө Помөсдинса шөр
школаын 8-өд классын.**

ОН НЕКОР БЫР

Көть мыйсө ме ог съыв,
Көть кытчө ме ог мун,
Тэ, муса коми кыв,
Он некор менам вун.

Ме видза тэнö пыр,
Ас пытшкын кута век.
Тэ некор дзик он быр,
Тэ овны қутан век.

КИРИЛЛ ПОПВАСЕВ

**Велөдчө Помөсдинса
школаын 9-өд классын.**



ТАН СТАВЫС АС

Тан гөгөр өвтө чөскыд көрөн.
Тан ставыс төдса, ставыс ас.
Тан ставыс пуксыө сьөлөм шөрө,
И некодарө абу тас.

Ме тэкөд, муса пожөм ягөй,
Ме тэкөд, мелі Эжва ю.
Ме нэмсө ола сөмын татөн,
Мен муса сөмын чужан му.

ВЕЛӨДЫСЬ

Ме ачым Помөсдинын ола,
Эм миян тані ыджыд школа.
Ме быд лун велөдчыны муна,
И школа пытшкын ёртөй уна.
Быд лун мен пырө вежөр юрө,
А велөдөны тані бура!
И коркө кадыс бытгысь воас -
Ме ачым велөдысьөн лоа.



МАРИЯ ПОПОВА

**Велөдчө Помөсдинса шөр
школаын 11-өд классын.**

КОМИ КЫВ

Менам мича коми кыв,
Тэнö радейта ме пыр.
Торйөн сэк, кор ылі муын.
Тэнö кывтөг – быттё гуын.
Ачым – Коми мулөн ныв.
Сыла коми сыланкыв.
Кывйыд - сійö мортлөн борд,
Эм кө сійö - эм народ.

ЛЮДМИЛА ПОПОВА



Велөдчө Помөсдинса шөр
школаын 11-өд классын.

МЕНАМ СЫВЙЫН

Менам чужан кывйöй –
Тайö коми кыв.
Сійö менам сывйын,
Мöд ног ог нин съыв.

Тайö кыв мен дона,
Сійö муса мен.
Корö шаньöн лоны,
Бöрынтьны лөк вен.

Дзоля дырйи «öввö»
Съывліс сійön мам.
Комиысь ог чöвлы,
Сійön содта сям.



СВЕТЛАНА ПОПКОВИЧ

**Велөдчө Помбөсдинса шөр
школаын 11-өд классын.**

БОРДЪЯС ВЫЛЫН

Муса коми кывйӧс
Радейта ме пыр.
Кута шоныд сывйын,
Некор мед оз быр.

Чужан кывйӧй мыла,
Сылӧн кыпид гор.
Сиктным бура кылӧ,
Горӧдчылам кор.

Лэбзьӧны ныв-пиян,
Бордъясныс оз чег.
Коми кывным миян
Олас-вылас век.

КОНСТАНТИН СЕЛИВАНОВ

**Велөдчө Помөсдинса шөр
школаын 9-өд классын.**



Ю

Тан пыр на олө чери лов
Да дзыкөдз косьмөмысь оз пов:
Өд эм на весиг гоз-мөд йир,
Көн олө бытшкан пиня сир.
Лөз ваыс кывтө лун и вой,
Бур йөзлысь горув нуө дой.
Көн визувтöны ёль ли ю,
Сэсь буретш кылө олан ру.



АНАТОЛИЙ ТРЕТЬЯКОВ

Помаліс Помёсдінса шөр шко-
ла 2006 воын. Медводдза лун-
сяньыс «Петас» гижан котыр-
ын. Гижö кывбуръяс рочөн да
комиён. Армияын служитігөн
печатайтчыліс роч газетъясын
да журналъясын.

РАДЕЙТӨМ

Өшинь улын чужис төлысь.
Кодзувъясөн сотчö пелысь.
Миян гулыд, мича йöрын
Мыйла, донаой, тэ сöрин?

Мыйла шуин: ставыс бур?
Тэрмасин тэ, визув ур...
Кольлысь кольпанъяссö кисьтін,
Радейтөмөс муас сисьтін...

Пыр на мича, пыр на дона,
Тэнö радейта ме ёна!
Тэтöг весиг лун оз мун,
Юрысь некор дзик он вун.

ВУДЖӖД...

Коркӧ солӧн,
Коркӧ маӧн,
Коркӧ пач пӧданса саӧн
Волӧ дой.

А ме нюмӧн,
Аслам думӧн
Сылы петкӧдла на гусьӧн
Пуджӧм сой.

Вай тэ вуджӧд,
Менам вуджӧр,
Сійӧ югыдінас, кӧні
Бырӧ дой.

Медым вӧтчӧ,
Медым кӧвтчӧ.
Регыд дудас. Дойлы колӧ
Сӧмын вой.



АРТУР УЛЯШЕВ

Помаліс Помёсдінса шёр школа. Медводдзаяс лыдын пырис «Петас» гижан котырö. Важөн ёртасьö «Парма гор» газеткöд, йёзöдö кывбурьяс. Гижöдьяс петалöны и республикаса газет-журналъясын.

ЧУЖАН МУ

Сьöлöм кудйын чужан муöй,
Сійö меным бать и мам.
Коді сійöс лёкөн шуö,
Сылөн абу олан сям.

Сьöлöм кудйын ывлавылыс,
Кöні дзизгö малязі,
Кöні лэбач мыла сьылö,
Кöні кья öзтö би.

Сьöлöм кудйын видзьяс-муяс,
Кöні чирклөн кылö шы.
Синъяс водзын лыдтöм пуяс,
Эжва вылын ворсысь гы.

Сьöлöм кудйын гожся рытъяс,
Гудöк бöрся вöтчесь ныв.
Сыкöд кыкөн мунам кыті,
Кыйö черань везлөн тыв.

Сьолөм кудйын чужан муёй,
Көни менам баты и мам.
Сийөс лек кө быттьө суас,
Быттысь доръя - татшөм сям.

ГАЖА БЫЛА

Аттө ывлаыс гажа.
Виччысим важөн.
Югид шонди лунас
Омольыс вунас.

Рытнас алөйгөрд гыөн
Визувтас кыа.
Войыс сьодасьөм вөнён
Лайколын лөняс.
Төлысь кыпөдчас вылө -
Став мудзөй сылө.

ТУЛЫС

Со и бара муса тулыс воё,
Саридзасяс тасма пасьта ю.
Сийө ыджыд эбөсаён лоё,
Ытшкас весиг берегьясысь пу.

Тулыс воё. Вөрыс шувгө-сьылө,
Лэбачьяслөн кылө дзользьөм шы.
Кыптас весиг джуджыд вөр пу йылө
Парма шөрсө кольчаалөм ты.

АЙМУ ДОРҢЫСЬЛЫ

Кодкө тай олөмсө ёрө,
Ыпъялө-тшынасьө му.
Бөрдөны войтырыс гора,
Кодйөны сюрсьяслы гу.

Немечыс писькөдчө водзө,
Жугөдө кар бөрся кар.
Коялө пулясө соддзөн
Тулыс и гождөм, и ар.

Резө и резө би киньсө,
Бөрсянныс кольө съод шом.
Ёстьөма вөрөгыс пиньсө,
Сөветлы вөча пө пом.

Немечыд янөдіс асьсө,
Сөветыд кыпөдіс юр.
Гөрөдыс веныслөн разьсис,
Олөмыс бөр лоис бур.

ПАРМАЫН

Югыд изъя косьтъяс вылас,
Көні быгйөн кывтө ю,
Чери ворсө, лэбач сьылө:
«Мича жө нин чужан му...»

Шонді вортас сайысь петас,
Зарниалас вөр пу йыв.
Төвру пулысь корсө летас,
Шыльөдыштас эрдъяс выв.

Пипу кышакылө матын,
Туган йывнас өвтчө коз.
Ловъя лолыс олө татон,
Быдөн корсө аслыс поз.

БОРД

Ичөтик лэбачон кыпөдча ылө,
Шонділы паськөда весът кузьта борд,
Төвруыс нөбөдас менө мед ылө,
Му вылас коляс куш вуджөрлөн орт.

Кодзулөдз воөдча, нюжөда киөс,
Полөмла сьөлөмөй оз аддзы ин.
Сөмын тай көдзыда видзөдө сійө,
Вылісянь сюзь моз. И куньтыртө син.

Бушколө веськала - бергөдлас сідзи,
Весиг ме воштывла чужанін, горт,
Вунөдла весиг, кыз шоныда видзис
Медмуса мамуклөн небыдик борд.

Поводдя мичаммас, бушколыс лөняс,
Төвруыс шыльөдас пуяслысь йыв.
Асывнас васөдмөм-руалөм лөняс
Некөн дзик сьылөм ни бөрдөм оз кыв.

Лэбовтас кадыс и воштысяс сідзи,
Төдлытөг котөртас лун бөрся лун.
Сөмын тай мам бордыд, кызди сэк видзис,
Мортыдлөн вежөрысь некор оз вун.

Вынйөра варышөн качөдча вылө,
Шонділы паськөда сыв кузьта борд.
Төвнырөн лэбовта матө көть ылө,
Нэм чөж мам гөлөсөн чуксаяс горт.

АСЫВ

Гөрдөв кыаөн ворсөдчө му,
Садьмөм шондіыс лысванас мыссьө.
Пөрөм полөйсянь лайкъялысь ру
Еджгов кельөбөн ю кузя кыссьө.

Садьмө вөр-ваыс, пальөдө ун
Чөскыд вөтъясөн шымыртөм войысь.
Лэбач шыясөн матыстчө лун,
Паськыд пармаас югыдлун койө.

ВӨР

Кор мунап гулыд ягыас вывтi
Да кылан матысь сяльгөм шы,
Сэк юас комыс ворсө-кывтө
Да кытшөн артмө йөктысь гы.

Кор бипур дорын водз на чеччан,
Кор шондi муртса мыччө ки,
Сэк еджгов руыс юлань лэччө
Да лысва войтсянь сявкйö би.

И ставыс садьмө: юыс, тыыс,
Көть нэм чөжыд тэ сәні ов.
А лэбачьяслөн мыла шыыс
Зэв ёна гажөдө морт лов.

Ме важөн шөйта парма-вөрөд
Да сылы лоа кызди пи...
Өд ягыс некодөс оз вөрөд –
Эн ачыд, мортөй, лэпты ки.

ТӨЛЫН

Чарла кодь төлысьыс веськодя дзоргө,
Коялө му вылө көдзалөм би.
Понъяслөн увтыштөм чөв-лөнсьө торкө,
Узьмөдчан шыясө кывзысям ми.

Ыркалөм репасө дзевсьөма сиктным,
Вугралө-узьө сән, быттьөкө ош.
Шондыс дыр нин зэв тані оз чиктив,
Эз жө өд кытчөкө сибды ли вош?

ОЛӨМ

Олөмыс котөртө тэрыба, өдөбөн,
Гөггьль моз тюргө тай, некыз он кут.
Унаысь синваыс банбоктө көтөдө,
Унаысь бергөдчө морт дорысь шуд.

Унаысь олөмсө асьным ми конъялам,
Асьным жө аслыным пукталам тас.
Олөмыс мунө да быдөнөс донъялө:
Кодлыкө - вежон, а кодлыкө - час.

АРСЯ

Көдзаліс шонді, вижөдіс рас,
Пуктавны кутіс ыркыдыс пас.
Вотчам ми вөрын, шаркөдам пув,
Водзын и бөрын чегъясьö ув.
Важөн нин кусьыс петавліс гым,
Регыд нин усяс миянын лым.

РЫТЬЯ

Өмидз рөмөн кыа ворсө,
Бытьё нывлөн чужөмбан,
Бытьё алөй чышьянторсө
Шевкнитөма муса мам.

Кельыд-еджыд кымөрторъяс -
Дзормөм йөзлөн юрси дзу.
Шогысь некод на эз дорйы,
Некод нинөм на эз шу.

Ваймас кыа. Унзіль войыс,
Гашкө, ваяс югыд вөт,
Да и бырас сьөлөм дойыс,
Кодөс тэ өд он и төд.

СЁРМӨМ АР

Пармаын пуясыс - сэрапом торъяс.
Өгыртөм бипур моз чусалө шонді.
Вошисны кыдзьяслөн нюкыртчөм коръяс,
Ыркаліс ывлаыс, йөзөс оз шонты.

Посныдик шыдөсөн сяркөдө ывла,
Асылын слөтитө, рытгорув зэрө.
«Сёмокасыт поводдя», - йөзыслысь кывлан,
Синъясныс чусмөма быгалөм серөн.

Лымйыс да зэрыс өд - сийө и шудыс.
Сетөма Енмыс кө, сідз, сідзкө-й, колө.
Оломө пырөны гөрдис и рудыс,
Медым и водзө на арыс тадз волө.

ВÖРЫН

Кор вылад корсө-й, лымсө өктан
Да воссяс синъяс водзад ю,
Сэк аддзан комлысь ворсөм-йөктөм
Да чөла олан, кыв он шу.

Кор еджгов руыс юлань лэччө
Да лысва войтыс быттьө йи,
Сэк ломзъысь бипурланьыс сетчан
Да сылань нюжөдыштан ки.

Кор мыла лэбачьясөс кылан
Да некод на кындзи оз ков,
Сэк тшөтш жө бордъяскөд сылан
Да кагалон моз чиктө лов.



АЛИНА УЛЯШЕВА

**Велөдчө Помөсдинса шөр
школаын 8-өд классын.**

ПОМӨСДІН

Гажа жө нин оланін -
Менам муса Помөсдин!
Авъя войтыр олө тан,
Сьөлөманыс «Шондібан»!
Шувгө сись кодь пожөм вөр,
Тырыс керка, тырыс йөр.
Кыпыдін да гажаин...
Сөвмы, менам Помөсдин!

ИРИНА УЛЯШЕВА

**Велӧдчӧ Помӧсдинса шӧр
школаын 8-ӧд классын.**



КОМИ ЛОВ

Коми кывйӧй, донаӧй,
Мичаӧй да мусаӧй,
Ёна жӧ нин сьӧлӧма
Тэнад кыпыд лов.

Пӧчӧй вӧлі комиӧн,
Пӧльӧй вӧлі комиӧн,
Батьӧй – мамӧй комияс,
Ачым – коми лов.

Уналаӧ ветльвла,
Уналаӧ волывла,
Чужан кывйӧн бурасьӧ
Сӧмын менам лов.



ВЕРОНИКА ЧИСТАЛЁВА

**Велөдчө Помөсдинса шөр
школаын 6-өд классын.**

АСЫВ

Унзиль шондї чеччө,
Асыв - лунлань сетчө.
Чери кыйны муна
Тувсов мича лунө.
Чери бытыгысь шедас -
Петыр Павел сетас.
Оз кө (тайос төда) -
Мича лунсыгыс пөта.

ЭН ВУНӨД

Чужан мутө эн вунөд!
Ньорйон вачкыштіс гоз-мөдысь көть и.
Ылі муыд тай уна,
Сөмын ас муыд - сійө дзык өти.

Сійос мөд вылө вежан -
Пөлос туй вылө катовтчан, мунан,
Аслад пөльясысь кежан,
Налон енъюгыд паметгысь вунан.

АЛЕКСЕЙ ШЕБЫРЕВ

**Велөдчө Помөсдинса шөр
школаын 9-өд классын.**



МӨДЛАПӨВ

Бытьё лудын йирсысь вёв,
Куйлё Помөс мөдлапөв.
Бура паськыд лапта выв,
Сэтысь кылё сыланкыв.
Тані олө мелі йөз,
Помөс ваыс пыр на лөз.



НИКИТА ШЕВЕЛЕВ

**Велөдчө Помөсдинса шөр
школаын 8-өд классын.**

МЕНАМ МУСЛУН

Коми кывйöй, радейта ме тәнö.
Мукöд кывйыс меным оз и ков.
Ме ог веж, став сьöкыдлунсö вена,
Тэнад горөн кыштö сöмын лов.

МАРИЯ ШОМЫСОВА



Помаліс Помөсдінса шөр школа.
Велөдчигас ветлөдліс «Петас»
литературной кружокө. Кыв-
бурьясыс петавлісны «Парма
гор» газетын, «Войвыв кодзув»
журналын, «Качай» өтувъя сборникын.

БАТЬЛЫ

Дона батытөг өдва кольө кадыс,
Мен оз тырмы сылөн зумыд ки.
Сьблөм пытшкын важөн бырис радлун –
Некор нин ог паныдасьлөй ми.

Өддзөм кадсө мөдарө он бергөд,
Сылысь помтөм саридзсө он вен.
Но ме чайта: батыө пыр на мекөд,
Эска, сийө осалас на мен.

АР

Шоныд лунө утка-дзодзөг лэбө.
Төвсө нөрыс бордъяс улө дзебө.
Лымчир чужис. Ичөтик на вын...
Ыркыдыслы сөмын вежон джын.

Лымйыс сыліс, быттё эз и вёвлы,
Бурён арыд оз на сетчы төвлы!
Нюждыштны көсйö ассъыс нэм,
Бурсö, лёксö - ставсö дзик, мый эм.

БАБА ГОЖÖМ

Ак! Сэтшöм долыд ывла вылас,
Кор оз на зэрлась, лым оз усь,
Кор лэбач гожся моз на сьылö,
Кор вöрын сяргысьöма тусь.

Тэд, гожся-арся кадöй, чолöм!
Тэ, баба гожöм, мелі, рам.
Тэ меным медся ёна колан,
Тэ шонтан менö, быттё мам.

ЭЖВА

Медся сöстöм ваыс кутшöм юлөн?
Кутшöм юлөн помтöм эбöс-вын?
Кöні олö югыд веркöс улын
Кельчи-ёкыш, ком да ляпа-сын?

Тайö Эжва! Помтöм-дортöм Эжва!
Паськыд ота чужанінлөн сөн.
Тайö юыс меным медся вежа,
Сійö ыджыд козин Енмыслөн.

ЗАРНИ МОРТӨЙ

Зарни мортөй, гажөй бырис,
Зэв тай ылө сиктысь мунін.
Менам съөлөм шогон тырис:
Гашкө, ылі карас вуни?

Мый нө, зарни мортөй, вөчан?
Он-ө мөдөс рытнас олав?
Али, менам дона көчиль,
Дзик на некод абу бокад?

Быдтор шога юрө волө,
Доя бипур оз и куслы.
Абу узьөм, абу олөм,
Сьөлөмад кор чукийон муслун.

ТОМЛУН

Арся вөрыс ичөтика шуштөм,
Узьө сынөд, абу төврутор.
Мича кызсө төрыт төлыс куштис,
Бергалөмон усис бөръя кор.

Но өд менө чуймөдс на арыс,
Вель нин сөр, а оз на бергав лым.
Сьөлөм пытшкын тулыс - дас квайт арөс,
Дыр на төлөдз, чужөмбанөй пым.

ЮРИНДАЛЫСЬ

Тима Венълөн подулөн.....	3
Анастасия Ануфриева	
Шонді.....	5
Юлия Бизина	
Мичлун.....	6
Алексей Дроботун	
Ас ордым.....	7
Медшөр ёрт.....	7
Алексей Ефремов	
Пелыся ар.....	8
Велөдөм.....	8
Менам сиктын.....	9
Дмитрий Ефремов	
Туй индысь.....	10
Анастасия Ефремова	
Коми войтыр.....	11
Юсьяс.....	12
Ар.....	12
Менам сикт.....	13
Чужан кыв.....	13
Олөм.....	13
Лоны мортөн.....	14
Менам лэбач.....	14
Коми морт.....	15
Мамлы.....	15
Вой.....	16
Велөдысьлы.....	16
Льөм.....	17
Тэ нө кёні?.....	17
Андрей Игнатов	
Помөсдінын.....	18

Никита Игнатов	
Коми ру.....	19
Лоам быдса.....	19
Николай Игнатов	
Еджыд керка.....	20
Менам ю.....	20
Анна Игнатова	
Парма-вөр.....	21
Тöv.....	21
Тулыс.....	22
Тувсов вöрын.....	22
Дария Игнатова	
Коми шы.....	23
Ме ола тан.....	23
Лым.....	24
Вöрын.....	24
Лэбач.....	25
Марианна Игнатова	
Турияс.....	26
Коми му.....	26
Нелли Игнатова	
Медбур ёрт.....	27
Олимпиада Игнатова	
Кыла и сыла.....	28
Юсьяс.....	28
Ар.....	29
Алёна Карманова	
Коми кыв.....	30
Елизавета Карманова	
Серпас.....	31
Дарина Колегова	
Коми гор.....	32

Анна Кочанова	
Сьёлөм шонтан би.....	33
Юлия Курочкина	
Миян ма.....	34
Воис төв.....	35
Игорь Липин	
Тайö - чужан му.....	36
Анастасия Напалкова	
Тулыс.....	37
Сьёлөм кыла.....	37
Кыз пу.....	38
Торйөн.....	38
Виччысьём.....	39
Тимофей Опарин	
Сьыланкыв.....	40
Тулысын.....	40
Ас керка сай.....	41
Юлия Пашнина	
Он некор быр.....	42
Кирилл Попвасев	
Тан ставыс ас.....	43
Велöдысь.....	43
Мария Попова	
Коми кыв.....	44
Людмила Попова	
Менам сывйын.....	45
Светлана Попкович	
Бордъяс вылын	46
Константин Селиванов	
Ю.....	47
Анатолий Третьяков	
Радейтöм.....	48
Вуджöд.....	49

Артур Уляшев	
Чужан му.....	50
Гажа ывла.....	51
Тулыс.....	51
Айму дорйысьлы.....	52
Пармаын.....	52
Берд.....	53
Асыв.....	54
Вөр.....	54
Тöлын.....	55
Олём.....	55
Арся.....	56
Рытья.....	56
Сёрмём ар.....	56
Вöрын.....	57
Алина Уляшева	
Помöсдін.....	58
Ирина Уляшева	
Коми лов.....	59
Вероника Чисталёва	
Асыв.....	60
Эн вунöд.....	60
Алексей Шебырев	
Мöдлапöв.....	61
Никита Шевелев	
Менам муслун.....	62
Мария Шомысова	
Батьлы.....	63
Ар.....	63
Баба гожём.....	64
Эжва.....	64
Зарни мортöй.....	65
Томлун.....	65
Юриндалысь.....	66

Литературно-художественное издание

ПОРОСЛЬ

Стихотворения

На коми языке

Составители - В.Г.Лодыгин и А.В.Шебырев

Редактор - В.Г.Лодыгин

Компьютерная вёрстка - Т.Б.Гилева

Корректор - Г.Н.Лютюева

Подписано в печать 28.04.2011 г.

Формат А5, объем 2,5 усл.п.л.

Тираж 350 экз.

Бумага офсетная. Гарнитура «Коми
SchoolBook».

АУ МО МР «Усть-Куломский»

«Редакция газеты «Парма гор»

Отпечатано в ООО «Коми республиканская
типография» с диска заказчика
в полном соответствии с качеством
предоставленных материалов.

167000. Республика Коми, Сыктывкар,
В.Савина, 81.